

Nafarkaria

Egunkaria

• ostirala • 1999ko abenduaren 10a

ZALDIEROA.komikizopa



Nafar Kronika

Aitor Arozena

Aizkoraren etorkizunaz

Egunotan komunikabide guzietako solasgaia izan den ETaren su-etenaren etena alde batera uztea kasik arinkeria badirudi ere, kirolaren gaia ukitzeko asmoa dut oraingoan. Baina ez naiz ariko Osasunaren osasun egoera kaskarrak edo lau t'erdiko pilota txapelketaren azken txanpaz. Horien inguruan litroka tinta eta listu isuri eta isuriren da medioetan. Gaurkoan, aizkoraz ariko naiz —hartara, sugearen eta aizkoraren gaia, erdizka bada ere, papereratuko dut nik ere—.

Harira, Nafarroako txapelketa nagusia Miel Mindegia irabazi du, 50 urte bete dituen urtean. Inguruko komunikabideetan aipamen xumea izan du txapelketa honek eta, batez ere, txapel-dunaren adinak. Julian Retegi 40 urtetara ailegatu zenean aunitz solastu zen horretaz, bere prestakuntzaz... baina inor gutti oroitu da Mindegiaz. Doneztebeko finalean arerio zituen bertze bi lagun ere 40 urtetik goitikoak ziren.

Zahartzen —edo hiltzen— ari ote da aizkora? Proba nagusiaren aitzinetik jubentil mailako Euskal Herriko txapelketa jokatu zen, eta horrek itxaropenarako atea zabaltzen badu ere, zirrikitu eskasa uzten du: inolako kanporaketarik egin gabe hiru gazte aurkeztu ziren finalera. Horietako bat, proba jokatzeko kopurua osatzeko hirugarren lagun bat behar zelako joan zen plazara, prestakuntza sobera gabe, eta ezin izan zuen lana bukatu. Euskal Herri osoan hiru gazte! Aizkoraren nondik norakoa ikusteko adibide ederra izan zen Doneztebekoa: txapeldunak 50 urte eta gazte mailako hiru lagun Euskal Herri osoan. Mindegia berak, gisa honetako txapelketek prestakuntza eta lan handia behar dutela eta oraindik erabaki ez badu ere, horietatik erretiratzeko pentsamendua duela adierazi zuen. Kirol garestia ere bada aizkora eta urtean tonaka egur joaten dira prestakuntza lan horietan. Erakustaldi eta apustuei esker bizi direla erratan dute aizkolariek. Bere garaian, telebistek berpiztu zuten pilota. Aizkoraren kasuan, lana zaila goa izanen dela iduri du.

KONTZERTUAK

► **Iruñea:** Gaur, abenduak 10, De 9 a 12 taldeak *Y por fin los feos ganan* bere diskoa aurkeztuko du Nabarriariako kultur etxean 19:30etan.

► **Imoz:** Berri Txarrak eta Hemendik At taldeek kontzertua emanen dute larunbatean Latasako pilotalekuan, gaueko 12:30etatik aurrera.

► **Lizarra:** PiLT eta Eraso taldeek gaztetxean joko dute larunbatean iluntzeko 23:00etan.

BERTSOLARIAK

► **Iruñea:** Gaur, abenduak 10, bertso afaria antolatu dute Iturrama institutuko ikasleek, ikasbidairako dirua lortzeko. Xabier Silveira, Estitxu Arozena eta Ekintza Landa izanen dira, San Fermin peñan, iluntzeko 21:30etan. Sarrerak Egia tabernan daude salgai, 1.500 pezetan.

► **Goizueta:** Gaztetxeko aretoan, bertso trama izanen da bihar arratsaldeko 20:00etan, Jon Maia eta Igor Elortza bertsolariekin.

► **Ihabar:** Ihabarko Herriko Etxeko etxabea, bertso afaria izanen da bihar, Joseba Bel-tza, Eneko Lazkoz, Iosu Etxanobe eta Josema Leitza bertsolariekin.

► **Doneztebe:** Estitxu Arozena, Bittor Elizagoien eta Manolo Arozenak bertso saioa egingen dute astelehenean, eguerdiko 12:30etan, Eliza atarian.

► **Arizkun:** Ordoki jatetxean bertso afaria izanen da astearte-an, Sebastian Lizaso, Andoni Egaña eta Peñagarikano bertsolariekin.

ANTZERKIA

► **Araitx-Betelu:** Gaur gaueko 21:30etan, Maskarada taldeak Izarretako bitakora lana

emanen du Azkarateko elkartean.

ERAKUSKETAK

► **Elizondo:** Fernando Gorostidiren margolanak ikusgai daude Monseñor Berekotxea 2ko lokalean, urtarillaren 6a arte. Lan egunetan 18:30etatik 21:00etara bisita daiteke erakusketa, eta besta egunetan, berriz, 12:00etatik 14:00etara eta 18:30etatik 21:00etara.

HITZALDIAK

► **Iruñea:** Jon Alonso idazle eta

itzultzaileak hitzaldia emanen du abenduaren 15ean NUPeko Filologia eta Lengoaiaren Didaktika departamentuaren aretoan, arratsaldeko 19:00etan.

LEHIAKETAK

► **Iruñea:** 2000. urteko urtarillaren 31a arte aurkez daitezke Sex Haizegoak antolatzen dituen Narrazio Labur Erotikoen V. Lehiaketarako eta Pintura Erotikoen III. Lehiaketarako lanak.

BESTELAKOAK

► **Elizondo:** Iruñezar euskaltegikoek antzerki tailerra sortu nahi dute, eta horren inguruan hitz egiteko bilera egingen dute abenduaren 16an 19:00etan euskaltegian bertan. Informazio gehiago 948-210433 telefonon.

► **Iruñea:** 2000 urteko ekaina arte, Argilan, lan informazioarako gazte bulegoa, irekirik dago asteartero 10:00etatik 12:00etara eta 19:00etatik 21:00etara (Nabarrera, 15-1. eskuina).



JOXE LACALLE

Eguberri giroa Iruñean

Olentzero hiriraino jaisteko oraindik bi aste oso falta diren arren, Eguberri giroa dagoeneko heldu da Iruñeraino. Alde Zaharreko eta hainbat auzotako kale eta enparantzek piztu dituzte koloreetako argiak; denda guztietako erakusleihoak Eguberriak gogoratzen dituzten apaindurez, argiez eta opariez horniturik daude; Takonerako ahateen urmaelean iragan astean jarri zuten jaiotza handia; eta Yanguas y Miranda parkean ere zabalduta dute Eguberrietan urtero egiten duten azokatxo. Inoiz baino jende gehiago dabil kaletik, dendetan batez ere, Gabonetarako dena prest izateko. Abenduak 24 izan baino lehen gozatzeko ahal da Eguberrietako giroarekin aurten ere.